

Na osnovu provedenog postupka u skladu sa Zakonom o javnim nabavkama Bosne i Hercegovine, ("Službeni Glasnik BiH", broj 39/14), a na osnovu provedenog konkurentskog zahtjeva za dostavu ponuda, broj: 05.12.100-2875-1/19 od 16.04.2019.godine,, te Odluka o izboru najpovoljnijeg ponuđača Direktorice J.U. Zavod za javno zdravstvo Kantona Sarajevo, broj: 05.12.100-2875-Odluka o izboru-LOT 8/19 od 09.5.2019.godine, kojom je prihvaćena Ponuda ponuđača „**LOTRIČ CONTROL**“ d.o.o. Mostar, kao najpovoljnija i kojom se ponuđaču „**LOTRIČ CONTROL**“ d.o.o. Mostar dodjeljuje Ugovor za nabavku usluge kalibracije i validacije mjerne opreme **LOT 8 - VAGE- ELEKTROMEHANIČKA VAGA SA VISINOMJEROM**, za potrebe J.U. Zavod za javno zdravstvo Kantona Sarajevo, zaključuje se slijedeći:

**UGOVOR  
O SUKCESIVNOJ JAVNOJ NABAVCI USLUGE ZA  
LOT 8 – VAGE- ELEKTROMEHANIČKA VAGA SA VISINOMJEROM**

**I UGOVORNE STRANE**

**1. J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj:4200329950003, koga zastupa Direktorica, prof.dr.med.sci. Aida Pilav (u daljem tekstu: Naručilac)

i

**2. PONUĐAČ „LOTRIČ CONTROL” d.o.o.** Mostar, ulica: Leopolda Mandića 9, identifikacioni broj: 4227744330008, koju zastupa direktor: Mario Sopta (u daljem tekstu: Izvršilac usluga)

U daljnjem tekstu Ugovora, kada se Naručilac i Izvršilac usluga navode zajednički, tj. zbirno, tada su označeni kao „Ugovorne strane“.

**II PREDMET UGOVORA**

**Član 1.**

Ovim Ugovorom regulišu se način i uslovi za sukcesivnu Nabavku usluga **VAGE-ELEKTROMEHANIČKA VAGA SA VISINOMJEROM — LOT 8**, u skladu sa zahtjevima iz Tenderske dokumentacije broj: **05.12.100-2875-1/19**.

Tenderska dokumentacija Naručioca, broj: 05.12.100-2875-1/19 i ponuda Izvršioca broj: B190648-01 od 25.4.2019.godine, čine sastavni dio ovog Ugovora.

### **III CIJENA I NAČIN PLAĆANJA**

#### **Član 2.**

Ugovoreni iznos za usluge iz člana 3. ovog Okvirnog sporazuma iznosi 120,00 KM bez PDV-a, odnosno 140,40 KM sa PDV-om.

Plaćanje će se vršiti na transakcijski račun naveden u fakturi.

#### **Član 3.**

Izvršilac se obavezuje da će usluge iz člana 1. izvršiti u roku od 7 (sedam) dana od dana preuzimanja opreme.

### **IV OBAVEZE IZVRŠIOCA USLUGA**

#### **Član 4.**

- Dostavljanje odgovarajućeg-jednoznačnog certifikata o ispitivanju mjerne opreme koji se odnosi na ispitivani instrument, u roku od 7 dana od dana završetka ispitivanja mjerne opreme.
- Izvršiti označavanje instrumenta sa statusom validacije;
- Pružiti brzu, stručnu i profesionalnu uslugu;
- Kvalitetan rad i primjena najboljih raspoloživih znanja i vještina;
- Imenovati lica zadužena za realizaciju Ugovora;
- Osigurati osobama ovlaštenim od strane Naručioca mogućnost komuniciranja s tehničkom službom Izvršioca usluga putem telefona, telefaksa i elektronske pošte;
- Obezbjediti pravovremeno izvršenje usluga najkasnije u rokovima utvrđenim članom 3. ovog Ugovora, pružiti povratni odgovor tehničke službe unutar radnog vremena;
- Osigurati da se preuzeta oprema ne ošteti prilikom transporta i vršenja usluga;
- Izvršiti naknadu štete u slučaju da se preuzeta oprema ošteti.

### **VI OBAVEZE NARUČIOCA**

#### **Član 5.**

Naručilac se obavezuje:

- Osigurati neometan pristup opremi iz člana 1. ovog Ugovora.
- Imenovati lice ili lica zadužena za realizaciju Ugovora
- Osigurati da sa mjernom opremom rukuju isključivo obučena i ovlaštena lica

## **VII OSIGURANJE KVALITETE**

### **Član 6.**

Ugovorene usluge će se vršiti na način da se precizira odgovornost za cijeli posao i svaku fazu rada, te osigura priprema, planiranje svake faze, obavljanje i preispitivanje kvaliteta obavljenog posla, te po potrebi uvođenje korektivnih mjera.

### **Član 7.**

Naručilac se obavezuje da će plaćanje za usluge iz člana 1.ovog Ugovora izvršiti u roku od 30 dana od dana preuzimanja izvještaja na žiro račun broj: 3381302232074185 otvoren kod UniCredit Banke d.d. BiH, Sarajevo.

## **VIII UGOVORNA KAZNA I RASKID UGOVORA**

### **Član 8.**

Ukoliko Izvršilac usluga ne izvrši svoje obaveze u ugovorenom roku, dužan je da Naručiocu za svaki dan zakašnjenja plati ugovornu kaznu u iznosu od 0,1% od ukupne vrijednosti Ugovora bez PDV-a.

Ukupna vrijednost ugovorne kazne koja se plaća ne može iznositi više od 10% od ukupne vrijednosti Ugovora.

## **IX PRELAZNE I ZAVRŠNE ODREDBE**

### **Član 9.**

Ovaj Ugovor stupa na snagu danom njegovog potpisivanja od strane ovlaštenih predstavnika Naručioca i Izvršioca, i isti će se primjenjivati do izvršenja svih pojedinačnih obaveza predviđenih ovim Ugovorom.

### **Član 10.**

Ugovorne strane su suglasne da se za sve što nije regulirano ovim Ugovorom primjenjuje Zakon o obligacionim odnosima.

### **Član 11.**

Eventualne sporove ugovorne strane će rješavati prvenstveno sporazumno u duhu dobrih poslovnih odnosa.

U slučaju da se ne postigne sporazumno rješenje eventuanog spora za rješenje spora nadležan je sud u Sarajevu.

### **Član 12.**

Ugovorne strane mogu otkazati ovaj Ugovor u pisanom obliku. Otkazni rok iznosi 15 (petnaest) dana, ukoliko ugovorne strane sporazumno ne utvrde drugačije.

**Član 13.**

U slučaju otkaza, odnosno raskida svaka ugovorna strana dužna je ispuniti sve svoje dospjele obaveze po predmetnom Ugovoru nastale do dana otkazivanja.

**Član 14.**

Ovaj Ugovor je sačinjen u 4 (četiri) primjerka, od kojih Naručiocu pripadaju 2 (dva) primjerka, a Izvršiocu usluga 2 (dva) primjerka.



**„LOTRIČ CONTROL“ d.o.o.  
MOSTAR  
DIREKTOR**

\_\_\_\_\_  
(Mario Šopta)

Broj: 9151 /19  
Sarajevo, 11-6-13. godine

**JU ZAVOD ZA JAVNO ZDRAVSTVO  
KANTONA SARAJEVO  
DIREKTORICA**

\_\_\_\_\_  
(prof.dr.med.sci. Aida Pilav)

Broj: 05.12.100-2875-Ugovor LOT 8/19  
Sarajevo, 04.06.2019. godine.